

امامزاده موسی الجمال تبریزین گۆزل مکانلاریندان بیرینه تبدیل اولوب

تبریز شهرداری امامزاده سید جمالین تبریزین گۆزل مکانلاریندان بیرنه چئوریلمه سیندن خبر وئردی. فارسین تبریز شهرداریسینین عمومی رابطه لریندن وئردیغی خبره گۆره، صادق نجفی تبریزین راستا کوچه ...



تبریز شهرداری امامزاده سید جمالین تبریزین گۆزل مکانلاریندان بیرنه چئوریلمه سیندن خبر وئردی. فارسین تبریز شهرداریسینین عمومی رابطه لریندن وئردیغی خبره گۆره، صادق نجفی تبریزین راستا کوچه محلّه سینده امامزاده ابوالحسن موسی الجمالین احیا و توسعه پروژه سیندن گۆروشدّه دئدی: دین بؤیوک لری و مجتهدلرین تأییدینه گۆره بو کرامتلی امامزاده نین نسبتی دؤرد نسل اینن امام موسی بن جعفره (ع) یتیشیر. ائله بو سابقه، بو مکانین تبریزین تاریخی، مذهبی و گزمه لی یئرلریندن بیرینه چئوریلمه سینینی واجب ائلیر.

تبریز شهرداری آرتیردی: بو مکانا کئچمیشده لازمی قدر دقت اولونماییب آما ایندی شهرداری و شهر شوراسی نین تعاملی اینن اونون احیا و توسعه سی سرعت اینن قاباغا گئدیر.

نجفی آرتیردی: تقریباً سککیز آی بوندا قاباق بو مکاندان گۆروش ضمیننده بو امامزاده نین احیاسینا تصمیم توتولدو و نظره گلیر یاخین گله جاقدا بورا تبریزین گۆزل یئرلریندن بیرینه چئوریله.

او، ایندیکی نسلین تبریزین کئچمیش افتخارلاری اینن تانیش اولماسی نین ضرورتینه تأکید ائله ماغینان دئدی: بیزیم بو طرحلرین اجراسیندان اساس هدفیمیز ایندیکی نسلی اسلامین افتخارلی تاریخی اینن تانیش ائله ماقدیر. چونکی همیشه کئچمیش گله جاغین چیراغی اولوب و کئچمیشی تانیماق قاباغا گنتماغا انگیزه یارادار.

نجفی هابنه تبریز بازار محدودده سینده اجرا حالیندا اولان پروژه لره اشاره ائدیب دئدی: صادقین احیاسی، راستا کوچه نین فلسطین خیابانینا متصل اولماسی طرحلری ده اجرا حالیندایر کی بو گۆزل لندیرمه طرحلری اینن تبریزین تاریخی بازار منطقه سینینی اؤزونه یاراشان رونقینه قنیتمه سینه اومودوموز وار.

امامزاده موسی الجمال، امام موسی کاظمین (ع) نوه لریندنیر کی نسبی دؤرد نسل اینن او حضرتته یتیشیر.

بو امامزاده ابن اعرابی و صاحب طوق و صاحب حاجات آدینا دا تانییر.